

STADT KOBLENZ

Koblenzer Mundart:

Konst

Et dächt mich wärklich interessere,
wie mer Gedichte mache kann.
Soht letzt zo mir mein Freundin Kläre:
Wat moß mer fier Talent do han?

„Poetisch wierd dä Mensch gebore,
ä kann net einmol wat dofier.
Die Weisheit kimmt su met de Johre,
dann flehst dat Versje oft Papier.

Mer nennt suwat och ‚Dichterittis‘,
befüllt einen von ongefähr,
wie en akute Gasterittis.“
Gof ich zor Antwort meinem Klär.

On eins soll mer sich och noch merke:
Ein jeder kann en Kinstler sein,
ob ä nau dichte doht, ob werke -
die Fertigkeit hat Wert allein.

Beguckt mer sich die Handwerksleut-
[scher,
en gode Schneiderin met Schmeß,
dann seht mer doch, dat su e Kleidche
e ganz perfektes Konstwerk es.

Wat wär mer ohne Klempnermeister,
ständ dem nohm Dichte net de Sinn...
Verloß von alle gode Geister,
meßt stännig mer em Wasser stinn.

On überhaupt, et es zom Lache,
dat ganze Leue es en Konst.
Mer kann et scheenste Bild draus
[mache,
et Zeug dozo hat mer omsonst -

Kath. Schaaf

Katharina Schaaf
2. Juni 1964